

Pregunta di reflexion y discusion pa compaña e coleccion di storia *No mas!* di Desiree Croes:

Storia 1 *No mas!*

1. Splica kico e titulo di e storia kiermen.
2. Pakico Judi, e personahe principal, no kier keda casa? Describi e 'ciclo genetico' cu e kier kibra.
3. Dicon bo ta kere e mama no ta sostene su yiu muhe Judi, ora e bisa cu e kier bay laga Frido?
4. Den bo opinion tin hustificacion pa loke Judi ta haci na final cu Frido?
5. Ki consecuencia e final di e storia tin pa Judi?

Storia 2 *No cay den tentacion*

1. Na ki tipo di tentacion e titulo ta referi?
2. Pakico bo ta kere cu nan ta menciona cu e meneer ta sali hole colonia di muhe?
3. Pakico nan ta yama Robbie 'Robbie Pitufu'?
4. Ora nan ta den e bar y Robbie ta perde su cadena, pakico bo ta kere e ta lastra riba vloer pa hay'e bek?
5. Splica con importante religion ta den e storia aki.
6. Bo ta haya cu Robbie a cay den tentacion facilmente?

Storia 3 *Coco duro*

1. Con nos por sa cu e storia ta tuma luga den e tempo aki y no den siglo pasa? Duna ehempel.
2. Andres y Gabriel ta biba den e mesun bario, pero nan famia ta di e mesun status social? Duna un splicacion cortico pa bo contesta.
3. Mama Ita ta bisa Gabriel: "Pensa bon ken merece e berdad y ken merece bo amistad." Ki bo ta pensa cu Mama Ita kier bisa cu esaki? Ki bo mes ta pensa di esaki?

Storia 4 *Misposes*

1. Splica kico 'misposes' kiermen den e storia, literalmente y figurativamente.
2. Duna 3 ehempel di ironia den e storia.
3. Splica con tur cos ta resolve su mes na final di e storia.
4. Kico ta e tema(nan)?
5. Describi e relacion entre Jennifer y su tata.
6. Splica ki papel Roberto tabata tin den bida di Jennifer.

Storia 5 *Muhe riba muraya*

1. Den e storia aki ken ta e personahe cu segun bo ta malo?
2. Na unda e storia aki ta tuma luga?
3. Splica pakico bo ta kere cu Erwin ta un victima y un malhechor alabes.
4. Kico Erwin su opinion ta di hende muhe en general? Bo ta kere cu loke e ta pensa ta corecto?

Storia 6 *Brian y Julie*

1. E storia aki a caba of no, bo ta pensa?
2. Cuanto tempo ta pasa den e transcurso di e storia? Duna ehempel di indicacion di tempo.
3. Splica pakico for di e punto di bista di Brian ta oke pa su ruman Jason huma pito.
4. Ki imagen e trailernan den e storia ta describi di nos cultura aki na Aruba?
Bo ta di acuerdo cu esaki?

Storia 7 *Proyecto Costa Rica*

1. Kico 'Proyecto Costa Rica' ta encera?
2. Kico ta e fout cu Mari a haci?
3. Na ki momento den e storia bo ta mira cu Ruth ta cuminsa cambia mentalmente?
4. Con realistico e storia aki ta den bo opinion? Dicon si of dicon no?

Storia 8 *E vengansa*

1. Ki edad e muchanan di e storia tin mas o menos?
2. Hopi ta wordo bisa tocante e bario. Bo sa den cua bario e storia ta tuma luga?
3. Den ki epoca bo ta calcula cu e storia aki ta tuma luga? Bisa kico ta e indicacionnan den e storia cu ta pone bo pensa esaki.
4. Pakico Xandra ta asina importante den e storia?
5. Al fin y al cabo, un vengansa a tuma luga den bo opinion? Splica pakico.
6. Ki nos por siña di e storia aki?

Storia 9 *E bruha bruha*

1. Bo conoce un otro palabra pa curandero?
2. Kico ta remedi di tera? Menciona tres remedi di tera cu ta aparece den e storia.
3. Den e storia ta papia di Bea y su rumannan. Cuanto ruman Bea tin?
(Tip: lesa e escena di e entiero di mama di Bea.)
4. Dudu y Bea no tabata confia banco. Tampoco nan a yega di tende di 'labamento di placa'.
Lo bo yama loke nan tabata haci laba placa? Argumenta bo contesta.
5. Tantan tabata piki 'flor di caminda seco' pa su matanan. Bo sa kico flor di caminda ta?
Esaki nos ta yama un *eufemismo*: forma mas nechi y menos fuerte, duro of bruto di bisa algo. Tin mas eufemismo den e storia aki?

Storia 10 *E di ocho ora*

1. Kico ta e tema central di e storia aki?
2. Les di ki materia e juffrouw ta dunando den e prome paragraf?
3. Bo conoce un sinonimo pa director/directora (di un scol)?
4. Kico ta e elemento di sorpresa den e storia?
5. Ki bo ta kere mester a sosode pa evita cu cosnan a yega asina leu?